



গণপ্রজাতন্ত্রী বাংলাদেশ সরকার

তথ্য অধিদফতর



PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-১৮৪

রাজশাহীতে বার্ষিক কর্মসম্পাদন চুক্তি বিষয়ক কর্মশালা অনুষ্ঠিত

রাজশাহী; ০১ ফাল্গুন (১৪ ফেব্রুয়ারি):

বার্ষিক কর্মসম্পাদন চুক্তি (এপিএ) বিষয়ক এক দিনব্যাপী কর্মশালা বৃহস্পতিবার (১৪ ফেব্রুয়ারি) রাজশাহী আঞ্চলিক লোক প্রশাসন প্রশিক্ষণ কেন্দ্রের সম্মেলন কক্ষে অনুষ্ঠিত হয়েছে।

প্রশিক্ষণ কেন্দ্রটির উপপরিচালক এ টি এম আব্দুল্লাহিল বাকির সভাপতিত্বে অনুষ্ঠিত কর্মশালায় ধারণাপত্র উপস্থাপন করেন রাজশাহী উন্নয়ন কর্তৃপক্ষ (আরডিএ)-এর প্রধান নির্বাহী কর্মকর্তা আবু হায়াত মো. রহমতুল্লাহ। রাজশাহী বিভাগের স্থানীয় সরকারের পরিচালক পারভেজ রায়হান ও বিপিএটিসির উপপরিচালক শামীম হোসেন উক্ত ধারণাপত্রের উপর আলোচনা করেন।

কর্মশালায় বক্তারা বলেন, এপিএ সরকারি সেবা প্রদানে স্বচ্ছতা ও জবাবদিহিতা যেমন বৃদ্ধি করেছে, তেমনি এটা সরকারি চাকুরির একান্ত অনুষ্ণে পরিণত হয়েছে। এপিএ প্রবর্তনের ফলে সরকারি দপ্তরের পূর্বের পদ্ধতিনির্ভর কার্যক্রম এখন ফলাফল নির্ভর কার্যক্রমে রূপান্তরিত হয়েছে। এর ফলে সরকারি দপ্তরের প্রদত্ত সেবার বিষয়ে গ্রাহক সন্তুষ্টি ক্রমাগতই বৃদ্ধি পাচ্ছে। এপিএ বিষয়টি আমাদের দেশে কিছুটা নতুন হওয়ায় এ বিষয়ে প্রশিক্ষণ বৃদ্ধি করা জরুরি বলে মন্তব্য করেন বক্তারা।

কর্মশালায় এপিএ'র প্রধান বৈশিষ্ট্য এবং এটি প্রণয়ন পদ্ধতি বিষয়ে অংশগ্রহণকারীদের ধারণা দেওয়া হয়।

কর্মশালায় রাজশাহী ও রংপুর বিভাগের বিভিন্ন জেলার সরকারি দপ্তরের ৯ম ও তদুর্ধ্ব গ্রেডের উন্নয়নবিধি জন কর্মকর্তা কর্মশালায় অংশগ্রহণ করেন।

.....
তৌহিদ/সিকান্দার/সাইদুর/২০২৪/১৬.২০ঘ.